

فـن الرد عـلـى الشـبـهـات _ درس للعـقـول الـراـقـيـة فـقـط [] مـدرـسـة الـذاـرـيـات _ سـوـرـة الطـور) 92 - 94 (_ مـعلـاء حـامـد

علاء حامد

الحمد لله واهد ان لا الله الا الله وحده لا شريك له واهد ان محمدا عبده ورسوله صلى الله عليه وسلم. اما بعد اهلا ومرحبا بكم في هذا اللقاء الطيب نسأل الله سبحانه وتعالى ان يبارك فيكم وان ينفع بنا وبكم اللهم امين. احنا النهاردة بازن الله سبحانه وتعالى -

00:00:00

معنا آآ لقاء جديد من لقاءات مدرسة الذاريات مدرسة الذاريات اتفقنا ان احنا ان شاء الله دي مدرسة الذاريات كل مرة بنحاول ان احنا نفسر صفحة من آآ جزء الذاريات -

اقرأوا ونفسروا ونفهمه كويس ونحفظه زي ما احنا متفقين. بحيس ان احنا نقدم آآ حقيقة متكاملة. تصحيح تلاوة حفز فهم تدبر عمل كل حاجة بقى عايزين نعملها في الايه؟ في السلسلة الطيبة ديت -

00:00:50

احنا النهاردة هنبأ مع بعض بازن الله تعالى. النهاردة المفروض في الصفحة آآ خلاص في الصفحة اخر صفحة في سورة الطور اخر صفحة دي صورة الطور توقفنا المرة اللي فاتت خلصنا عند قوله تعالى انه هو البر الرحيم. مفروض نبدأ النهاردة من قوله تعالى فذكر

فما -

00:01:08

انت بنعمه رب بكاهن ولا مجنون تمام؟ هنبأ كالعادة بالتلاوة لتصحيح التلاوة اللي عايز يصحح التلاوة. واحنا بنمد المنفصل في التلاوة زي ما اتفقنا. نقرأ وبعد كده نبدأ نستعين بالله ونبدأ في التفسير -

00:01:27

يلا جاهزين اعوذ بالله من الشيطان الرجيم فكر فما انت بنعمه رب بكاهن ولا مجنون يقولون شاعر نتربيص به ريب المجنون قلت رب صوف فاني معكم من المتربيصين ان تأمرهم احلامهم بهذا -

00:01:43

فليأتوا بحديث مثله خلقوا من غير شيء ام هم الخالقون ام عندهم خزائن املأ سلم يستمعون فيه فليأت مستمع بسلطان مبين تماماً البنات ولهم البنون. ام تسألهم اجرا فهم منا -

00:02:29

ام عندهم الغيب فهم يكتبون. ام يريد كيدا. فالذين كفروا هم المكيدون سبحان الله عما يشركون يقولوا فذرهم حتى يلاقوا يومهم الذي فيه يصعب يوم لا يغنى عنهم كيدهم شيئاً -

00:03:36

اليوم لا يغنى عنهم كيدهم شيئاً ولا هم ينصرون وان للذين ظلموا عذابا دون ذلك ولكن اكثرهم لا يعلمون. واصبر لحكم رب انك باعيننا وسبح بحمد رب حين تقوم. ومن الليل فسبحه واذ -

00:04:33

هذه الاية الكريمة انتهت به هذه السورة المباركة سورة الطور هي ختمت بمجموعة هزه الآيات اه انتقلت بنا الآيات بعد اه بعد ما بدأت السورة كلها بقوة الاستدلال على الدار الآخرة -

00:05:11

واتبع ذلك آآ تهديد المكذبين بالدار الآخرة بان لهم عذاب واقع ليس لهم من الله دافع وآآ بعد كده بيان مصير المكذبين ثم مصير بيان المتقين. تمام؟ وسردت بقى لنا الآيات احوال اهل الجنة واتكلمنا في الموضوع ده للمرة الماضية -

00:05:34

بعد قوله تعالى انه هو البار الرحيم. قال الله تعالى ذكر بما انت بنعمه رب بكاهن ولا مجنون ذكر يعني استمر في الدعوة استمر في التذكير بما انت بنعمه رب بكاهن ولا مجنون؟ نعمة ربك يعني اما المقصود بها النبوة -

00:05:55

او المقصود بها القرآن ده بيخلينا نشوف مشهد تاني كما قال تعالى ما انت بنعمه ربك بمجنون في سورة نون خلينا نشوف ان اعظم

نعمة على الانسان القرآن اعظم نعمة على الانسان - 00:06:18

النبوة الاسلام اليوم اكملت لكم دينكم واتممت عليكم نعمتي ورضيت لكم الاسلام دينا تمام قل بفضل الله وبرحمته فبذلك فليفرحوا.
فضل الله القرآن والاسلام ورحمة الله تعالى هو خير مما يجمعون - 00:06:40

خير من النبوة خير من الدنيا وما فيها كذلك احد السلف كان بيقول من لم يرى لله عليه نعمة الا في مطعم ومشرب وملبس وقد بعد عن الله. يعني لو قلت لك عد نعم ربنا عليك دلوقتي. لو ما جاش في بالك غير اكل وشرب ولبس وعربية وشقة وشهادة -
00:07:02

يبقى انت عقلك مش مترب صح لو انت مش اول حاجة قلتها نعمة ربنا علي واحد الاسلام والقرآن والنبوة والهداية والالتزام وبعد
00:07:24

كده بدأ بقى تقول لي ايه؟ تقول لي بقى الاكل والشرب والشهادة والعربية وبتاع يبقى انت كده -
00:07:44

دماغك سليمة. ما ينفعش انسان يكون شايف نعم ربنا عليه بس في نفس النعم اللي ربنا بيديها للكافر. ايه الجديد اللي عندك ما انت بنعمة الله. الكلمة دي كاننا اول مرة نقرأها. كاننا اول مرة نسمعها. وكانها اول مرة تتعدي علينا. بنعمة ربك بكافن -
00:08:03

ببسترق سمع السماء. يعني ايه ببسترق سمع السماء كان الكاهن اه كان بيحضرروا الشياطين يعني. يعني بيتوصلوا مع الجن طبعا بطريقه القرابين ان هو يكفر بالله ويصد عن سبيل الله فتقبل الجن ان هي تساعده -
00:08:23

فلما تقبل الجن ان هي تساعده بيطلب منهم ان هم يسترقو السماع من السماء يشترقوا السماع من السماء علشان يجيبوا له اي معلومة اي معلومة يقدر يخدع بها الناس اذا كان الجن بيعملوا ايه ؟ طبعا السماء فيها اخبار بتحصل. لأن الله سبحانه وتعالى يلقي الكلم الى الملائكة. والملائكة تتبادل -
00:08:44

ايه الاوامر فلو الجن قريب من من الحالة ديت ممكن يسمع كلمة او حاجة زي كده فكان في الماضي قبلبعثة النبي عليه الصلاة والسلام كان الجن الكاهن يطلب من الجن يجيبوا له اي خبر من السماء -
00:09:07

كان الجن يعمله سلم سلم طويل كده يركبوا فوق بعض وبعد كده اللي فوق خالص بيتدى يسترق الایه ؟ السمع. بيتدى يسترق السماع فممكنا اسئلة تناقل امر من الاوامر التي ستحصل في الدنيا -
00:09:24

الايه الملك الجن يسمع كلمة او يسمع حاجة فيبيتدى يقولها اللي تحته. النبي عليه الصلاة والسلام بيوصف المشهد ده. بيقول فايه ؟ فالملائكة كده تنقل الجن يركب بعضه لغاية ما يصلوا -
00:09:41

حاولوا يسترقو الخبر من السماء قال فيسمع الكلمة فيلقيها لمن تحته ومعها كذبا يعني الجن بيكتب حتى بيكتبوا على بعض فممكنا هو سمع كلمة. كلمة صح من الملائكة فيقولها اللي تحته ويحط عليها التاتش بتاعه. يحط عليها كدبة -
00:09:56

ولما ياخدها منه الجن اللي بعديه ينزلها اللي تحته ويحط عليها كدبة تمام ؟ وبعد كده يحطها اللي تحته ويحط عليها ايه ؟ كدبة. قال فتصل الى الكاهن ومعها مائة كذبة. يبقى بيقول حاجة صح -
00:10:14

بيقول الحاجة الصح هو اصلا جاييها من من خبر الملائكة ما عرفهاش لوحده ويقول عليها ايه ويقول عليها يجيب عليها ميت كدبة. فالملك فالجن لما الكاهن لما يقول للناس اللي عنده -
00:10:31

يصدق في واحدة ان هي دي الوحدة السليمة. ويكتب في مية. فالناس تتعلق بها عشان واحدة ونسوا المية كدبة اللي كتبها تمام ؟ طيب هنا الشياطين كانت بتساعد الكهنة وبتساعد السحرة بالطريقة ديت -
00:10:44

وده اصلا له قصة لها علاقة حتى باسلام الجن. بعد بقى بعثة النبي عليه الصلاة والسلام الموضوع ده ايه انقفل قفل. حتى الجن وهم بيحكوا سبب اسلامهم. هم عرفوا ازاي ببعثة النبي عليه الصلاة والسلام. خليةا في سورة الجن. قالت الجن هي بتحكي. قال وانا لمسنا -
00:11:01

يعني ايه العادي بتاعنا طلعننا عشان نجيب الایه الاخبار للكهنة وانا لمسنا السماء. فجيئنايلا بنا نشتغل عادي نصطبح وطالعين نشتغل

شغالتنا العادية. فوجدناها ملئت حرسا شديدا وشهبة ملئت حرسا شديدا وشهبا. يعني بقى فيه حرس هائل من الملائكة وفيه شهب.

اي حد بيسمع كلمة الشهاب بيقتله قبل - 00:11:18

اما يسمع الكلمة مش ممكن حد يقدر يوصل الكلمة دلوكتي من السماء. ليه بالذات؟ لان دلوكتي بقى فيه وحي. ولو الكاهن وصل له

حاجة من الوحي ممكن تبوز خالص قصة الايه؟ النبوة. فالايه - 00:11:45

آآ آآ اتقفل خالص عليهم السمع. فعرفوا لما اتقفلت الدنيا قالوا اكيد الدنيا دي بتتقفل لما بيبقى فيه وحي فعرفوا ان نبي اخر الزمان

ایه؟ اه فمن يستمع الان يجد له شهابا ايه؟ رصدا الا من استرقى السمع فاتبعه شهاب ساقب - 00:11:59

فعرفوا ان فيه نبي فبدأوا يمشوا في الارض يدوروا لغاية ما لقوا النبي عليه الصلاة والسلام كان طالع كده مع الصحابة في مكان اسمه

نخلة وكان بيصلب بهم وقعدوا يسمعوا القرآن - 00:12:17

واهتدوا كمان. قل اوحي الي انه استمع نفر من الجن فقالوا انا سمعنا قرآننا عجبا فبسبيب آآ افعال الكهنة كان قريش قالت احنا ايه

نقول عليه كاهن. لان طبعا هم مش مصدقين اللي هم بيقولوه. بس قالوا - 00:12:27

هتمشي هتمشي مع الناس نقول عليه كاهن لان هو بيقول اخبار عجيبة وبتاع والكهنة هم اللي بيقولوا الاخبار العجيبة طيب ازاي

تقدرت تميز بين النبي عليه الصلاة والسلام وبين الكاهن؟ وايه اللي يدلك ان هو مش كاهن؟ اللي يدلك ان هو مش كاهن كذا حاجة. ربنا

دافع عن النبي عليه - 00:12:44

الصلاوة والسلام في اخر سورة الشعراة. قال سبحانه وتعالى وما تنزلت به الشياطين. وما ينافي لهم وما يستطيعون انهم عن السمع

لمعزولون. ادي اول دفاع ان الشياطين مش ممكن تنزل بالكلام دوت. لان الشياطين - 00:13:01

اللي يبص لمحتوى دعوة النبي عليه الصلاة والسلام يجزم ان ده مش ممكن يكون كاهن. لان الكهنة يستعينوا بالشياطين. والشياطين

ما بتقولوش الكلام خالص. الشياطين لا تدعوا الى الصلاة والصدق والعفاف وصلة الرحم. وتنهى عن الكذب وتنهى عن الزنا وتنهى عن

أكل مال اليتيم. الشياطين - 00:13:18

هتخلي للنبي عليه الصلاة والسلام وحي. او تقول له كلام فيه تحذير من الشياطين. وفيه اول ما بتبدأ بتقول اعوز بالله من الشيطان

الرجيم وفي وصف الشيطان ان هو يعني عدو مبين واتخذوه عدوا مش منطقى. لا الشياطين تنزل بالجمال دوت ومش طبيعي

الشيطان هينزل - 00:13:38

في حاجة فيها اعوز بالله من الشيطان الرجيم وبالتالي اللي يشوف اللي يشوف وصايا الكهنة ووصايا السحره يعرف فرق هائل بين

وصايا الشياطين ووصايا الرحمن. بيبقى ده اول فارق الفارق الساني هو النبي عليه الصلاة والسلام نفسه ربنا في اخر سورة الشعراة

قال ايه؟ قال هل انبئكم على من تنزل - 00:13:58

تنزلوا على كل افاك اثيم. الشياطين لما بتنزل الكهنة والصحرا بيبقىوا ايه افجر ناس وافسق ناس والانبياء انضف ناس واطهر ناس.

مش عارفين تميزوا بين الاتنين؟ يعني هل يتتصور ان محمد عليه الصلاة والسلام هزا الصادق الامين ينزل عليه شيطان - 00:14:21

انتم عارفين حالة كهنة وسحره. كلهم كدابين واثمين بل اثيم شديد المبالغه في الاثم. فكيف تنزل الشياطين على هذا الطاهر الان وهو

ما لوش اي علاقة بأخلاق الكهنة ولا اخلاق السحره يبقى ده الدفاع الثاني. الدفاع الثالث قال سبحانه وتعالى آآ آآ 00:14:39

يتنزل على كل افاك اثيم يلقون السمع واكثرهم كاذبون. والشعراء يتبعهم الايه؟ الغابون. طيب نقدر نعمل مقارنة تالتة بالاتبع شوفوا

اتبع الكهنة والسحره والشعراء. وشوفوا اتباع الانبياء عاملين ازاي؟ هل اتبع الانبياء زي اتباع الكهنة؟ هل انتاج - 00:14:59

النبي زي انتاج السحره والكهنة والشعراء بتلاقوا دول فسايق وفجرة وبتلاؤ دول اطهار وبرة. شوفوا اصحاب محمد عاملين ازاي

شوفوا ازاي اتحولوا وانتقلوا ومن الظلمات الى النور. تعرفوا ان مش ممكن ده يكون كاهن. مش ممكن يكون ساحر. مش ممكن الكلام

ده ينزل به شيطان - 00:15:19

شفتم بقى الدفاع الرهيب ده كاهن ولا مجنون. طب دي اسهل بقى الجنون ده اسهل. ده راجل عايش ما بينكم. عايش معكم. اتجن

امتى؟ والجنون ده هو الجنون ده سهل. الجنون ده معروف. لها زيانه - 00:15:36

وليه خبله؟ الرجال ده اعقل واحد فيكم. ده انتم حكمتوه لما اختلفتم مين اللي يحط حجر الكعبة والحجر الاسود اخترتوه حكم. وقلتكم ده احسن واحد فينا انتم بترجعوا له لما بتختلفوا. انتم سايبيين الامانات عنده لغاية دلوقتي وانتم مكدينه وسايبيين الامانات عنده. اتجن امتى؟ فقد لبست فيكم عمرا من قبله افلا - 00:15:48

تعقلون. مم بيقى ديت ما لهاش كلام ما لوش لازمة. فما انت بنعمة ربك بكافه ولا مجنون. طيب. ام يقولون شاعر؟ هم نترقص به ريب المنون؟ بيقى بل ايقولون نترقص به ريب المنون. هيقولوا عليك شاعر. طيب. لو انت شاعر - 00:16:08
الموضوع بقى سهل جدا انهم يسبتوا كدبك. ايه الاسباب؟ الاسباب بسيط جدا. انت دلوقتي بتقول لهم بتحداهم ان يأتوا بحديث مثلني دوما يأتوا بعشر سور بصورة مثل اي حاجة. ويقول لهم لن فان لم تفعلوا ولن تفعلوا. هو لو شعر هل يعجز العرب ان هم - 00:16:26

يجيبوا شاعر زيه كان هيخلصوا دعوتك في كلمة. وكانوا هيهدوا دعوتك في سانية. بان هم عادي جدا يجيب شعر زيك وخلاص ويقول لك ده قصاد دوت بيقى الرجال ده كداب - 00:16:47

لكن كلهم خافوا اصلا يخشووا التحدي. ما حدش فكر يخوض التجربة لأنهم عارفين الباون الشاسع بين اللي بتقوله وبين الشعر فضلا عن ان النبي عليه الصلاة والسلام في موازين الشعراء ما كانش شاعر - 00:16:57

ما كانش شاعر. لأن هو النبي عليه الصلاة والسلام طول عمره ما كانش منشغل بالشعر. يعني كمان هم في الشعر يغلبوه. يعني هم لو في باب الشعر هم احسن منه. يعني هو مش - 00:17:11

احسن شاعر فيهم لأ وما علمناه الشعر وما ينفي له. فلو كان شعر كان الموضوع خلص. انتم عارفين انه مش شعر. عارفين ان لو كان شعر كان قدرتم تتحدوه بسهولة وتجيروا زيه احسن منه - 00:17:21

لكن انتم وقفتم عاجزين امامه ان له لحلوه وان عليه لتلاوة وان اعلاه لمدقق وان وان اعلاه لمتمر وان اسفله لمدقق. وانه لا يعلو ولا يعلم لقد علمتم يا قريش انه ليس بهز الشعر ولا بالكهانة ولا ولا كلهم قلتم كده لما سمعتم كلامه - 00:17:33
ام يقولون شاعر؟ طب ما ايه معنى نترقص به ريب المنون؟ انهم قعدوا مع بعض لما قعدوا في الجلسة اللي هم كانوا بيتفقوا فيها على قتل النبي عليه الصلاة والسلام - 00:17:50

كان من الافكار اللي جت قالت سيبوه لغاية ما يموت لوحده. زي ما مات اللي قبله. زي الزهير والنابغة. كان زهير والنابغة برضه شعراً كده قبله وكانوا لهم ايه تخاريف وماتوا خلاص ماتوا. فقالوا احنا نسيبه ونسيبه يموت وخلاص - 00:18:00

فده احد الاختيارات ده معنى ام يقولون شاعر نترقص به ريب المنون. المنون يعني احوال الدهر ومصائب الدهر وريب المنون يعني مصائب الدهر ونزل الموت به. فقالوا احنا نسيبه لغاية ما يموت لوحده وخلاص - 00:18:17

فده ربنا بيقول يعني شف كلام اصلا الكلمة اللي قالها دي ربنا المفروض تخليهم يخشووا الاسلام. ليه؟ لأن الكلام ده انتقال في مجلس خاص الكلام ده انتقال في جلسة ما حضرهاش النبي عليه الصلاة والسلام. تنزل ابة تقول انتم قلتم ايه وانتم قاعدین مع بعض. قلت نترقص به ريب المنون. طب مين قال الكلام ده؟ ومين - 00:18:32

وعرفوا ازاي عليه الصلاة والسلام المهم قال لهم رد قل ترقصوا فاني معكم من المترقصين. خلينا بقى نستنى وكل واحد يستنى الثاني. ونشوف مين اللي هيعيش ونشوف مين اللي هيتنصر ونشوف مين اللي - 00:18:51

تمام؟ قل يا قومي اعملوا على مكانكم صح؟ انا عاملون. وبص الثقة وانتزرونا انا منتزرؤن. والله غيب السماوات والارض واليه يرجع الامر كله فاعبده. اعمل اللي عليك. اعبده وتوكل عليه. وربنا كده هينصر الاليه؟ الصالح وحيططل عمل المفسدين. قل - 00:19:07
خلينا بقى كلنا نستنى انا وانت. فاني معكم من المترقصين. وبعد كده يا الله سبحانه وتعالى يبين يعني سخافة عقولهم. يقول في حد عاقل يقول الكلام ده؟ ام تأمرهم احلامهم بهذا - 00:19:27

يعني في حد عاقل يقول الكلام ده الاحلام هنا معناها الاحلام مش الاحلام اللي هي اللي بتشوف في المنام. الاحلام هنا معناها العقول الاحلام معناها العقول. يعني بل تأمرهم احلامهم بهذا؟ يعني في ازاي عقولهم وصلتهم للفكرة دي؟ يعني انتم ناس المفروض عندكم

ازاي واحد عاقل يقول على راجل زي ده كاهن ولا مجنون ولا ساحر انتم يعني مش ممكنبني ادم طبيعي عاقل يقول الكلام دوت
فعلا ما يقبلش الكلام ده الا صاحب هو محضر. لأن العقل ما يقولش كده ابدا. ودایما یا جماعة الهوا لما یسيطر - 00:20:00
بيطغى على العقل. عشان كده ربنا بعديها قال ايه؟ ان تأمرهم احلامهم بهزا ام هم قوم طاغون؟ اه ده التفسير. ده التفسير والقاعد
ومن هنا هنطلع بقاعدة عظيمة یا جماعة. قاعدة عظيمة جدا. ان - 00:20:20

الهواء اذا غالب بيلاقي العقل الهواء اذا غالب یسيطر على العقل كمان. فيبقى بيلاقي عقلك بيقول لك عقلك بيقول لك مش ممكن
مش ممكن يكون كذاب. الرجال دا صادق. فانهم لا يكذبون - 00:20:35

لكن لان انا عندي طغيان وانا عارف ان الدين ده هيجي یضيق علي الطغيان دوت یعنی من الزنا یعنی من الربا یعنی من سلطاني
الدين اللي انا واخدته عن طريق الاوثان والاصنام والكلام دوت هيأثر علي فانا عندي استعداد اقبل الباطل وعندي استعداد اسد -
00:20:48

كل ما یتصدقش وعندي استعداد ادوس على عقلي واقنع عقلي ان ده صح وانا عارف انه مش صح ودي قاعدة على فكرة حتى
بتخلينا احنا نفهم ليه بنلاقي ناس يعني موضوع عقلاني جدا وواضح جدا ومش عايز یصدق زي الملحدين مسلا - 00:21:10
يعني كل ادلة رهيبة على فساد اللحاد وبطلان اللحاد طب ازاي یا جماعة؟ يعني يعني انتم ازاي مصدقين نفسكم؟ لكن فيه هوا فيه
هوا هوس علمي فيه هوا طغيان فيه رغبة في الفجور ما انت لو اسبت دي - 00:21:27
هنسبيت شرع هنسبيت اتباع هنسبيت صح وغلط بقى انت كده هتقول لي افعل ولا تفعل بقول لك ايه انا مش عايز وجع الدماغ دوت
وبالتالي الفاجر والفاقد والفاقد عنده استعداد یقبل اي اطروحة تاريخ هواه حتى لو كانت مش منطقية عقلية - 00:21:43
وكمان ممكن تلاقي واحد مسلا بيموت في الموسيقى مسلا. بيموت في الكلام مع البنات. تجيب له الادلة بالعقل وبالنقل وبالقرآن
بالسنة انه غلط وانه حرام مش عايز يقتتنع. تقول مع اني قلت له كتير. مش مش عايز يقتتنع. خل بالك هو مقتتنع. لو شغل عقله يقتتنع.
لكن في حاجة عاملة له - 00:22:03

غشاوة. وهي ايه؟ بل هم قوم طاغون. الھوا یسيطر عليه بیعمیه عن رؤیة الحق. فلازم الانسان يتجرد من الھوا لما یناقش اي مسألة
علشان یوصل للحق. بل هم قوم طاغون - 00:22:23

ثم قال تعالى ام یقولون تقولا جايیه من عنده طب ھیجیبه من عنده ازاي سؤال منطقی ھیجیبه من عنده ازاي اولا لو جابوا من عنده
طب منین جاب اخبار اهل الكتاب - 00:22:36

ومنین جاب الاخبار الغیبية تمام؟ ومنین في يوم ولیلة بقی یعرف یتكلم بكلام انتم نفسکم مش عارفين تتکلموه ولا هو نفسه کان
بیتكلموا قبلیها بیوم واحد واتعلم عند مین وقرأ عند مین ودرس عند مین جاب الكلام منین - 00:22:51
طب جابوا ليه؟ ازاي جابوا من عنده ازاي؟ ده فيه غیبیات وفيه اخبار اهل الكتاب وفيه معجزات بقی کده الكلام ايه؟ انت بس
مجرد انت مش عايز تؤمن وخلاص انت مش عايز تقوم خلاص ان كل الفرضیات مستحیلة عقا - 00:23:11

عقل المستحیلا ام یقولون تقولا بل لا یؤمنون طیب لو هو قاله خلاص هات زیه يا عم لو هو بیقولوا هو مش مش اقل منك في الكلام
هو هو مش احسن منك في الشعر. ده انت احسن منه في الشعر کمان. هو مش شاعر. انت شاعر. خلاص فلیأتوا بحدث مثلی ان
کانوا صادقین. يلا - 00:23:26

هات بقی حديس مسلی لو انت شاطر وفالح وفاهر و بتقول ان الكلام ده جايیه من دماغه. دماغه مش احسن من دماغك وانت بتفهم
في الشعر احسن منه هات زیه ما عرفتش تجيب زیه بقی ما لکش حل غير ان انت تؤمن - 00:23:48
يا اما تجيب مثله او انك انت ايه او انك انت تقر انه رسول خد بالك يعني بعض الناس حتى الحلة دي بتلتبس عليه. آآ بعض الناس
ممکن یعدي عليه خاطر کده - 00:24:01

بيقول ايه؟ هو هو ايه المشكلة ان هم كانوا یجيبوا مثله هو هو ايه الصعب ان هم يقولوا کلام منمق کده آآ ويبقى مثله خلاص آآ خد

بالك من حاجة دي اصل الحة دي زريفة اوي. بعض الشباب احيانا بيجي في باله الخاطرة دي مش كفر بالله ولا حاجة بس هو بييجي
اشكالية دي بيقول هو طب ما كنتش ينفع يعمله - [00:24:14](#)

حاجة كلمة كلام كده منمق زي صورة الكوثر وخلاص؟ لأنك الناس دي اولا اساطير اللغة. يعني الجيل دوت بالزات اللي كان مع
النبي عليه الصلاة والسلام دول اساس اللغة - [00:24:35](#)

اللي هو كل العالم عالة عليه. دول افضل جيل في اللغة تمام فهم فاهمين الصنعة وهم الجيل ده اللي فاهم الصنعة ما
قبلش التحدى لأن هم عارفين ان ما فيش مقارنة بين كلامهم مهما بلغ وبين الكلام دوت - [00:24:50](#)
وكان الرجل العربي يستأنى يستكبر وما يستحي ان هو يخش آآ يخش معركة يخسر فيها وعارف ان هو خسرانها وكان الموضوع
بالنسبة لهم. طبعا هم دول كانوا بيقروا اسوق للشعر. سوق عكاظ وسوق كذا بيقعدوا يتنافسوا في الشعر. ومين اللي يغلب مين -
[00:25:12](#)

مسألة التنافس الشعري دي بالنسبة لهم حاجة محفزة. لما تترقبني لما تستفزني ان انا اجيب شعر زيكم لأن ده انا اقف لك واقف لك
فكونوا هنا وقف وما جبتش وما حاولش - [00:25:32](#)

يبقى هو عارف ان الدنيا دي مش هيمنفع. طب تقول لي طب ليه ما جربش اي تجربة وخلاص؟ لأن هيخللي شكله وحش لأن الناس اللي
حواليه كلهم فاهمين في اللغة حبيقولوا له ما فيش علاقة بين اللي انت بتقوله وبين اللي هو بيقوله. زي مسلمة الكذاب كده. لما حاول
يفبرك كده كلام - [00:25:44](#)

على نظم القرآن كل الناس ضحت عليه. قالوا له الكلام بتاعك ما ما فيش علاقة خالص بين اللي بتقوله وبين كلام محمد. فالراجل
العربي اللي هو عنده كرامة ما حاولش - [00:26:01](#)

ومن باب اولى اللي بعده ما يحاولش يعني لو الجيل ده ما حاولش يبقى اللي بعده ما يفكروش يحاول. لأن اللغة بتقل بعد كده. فازا
كان احسن ناس ما عرفوش يبقى اللي بعده ما يحاولش احسن - [00:26:11](#)

وفعلا ما حدش نجح ولا حد حاول اصلا احنا عاملين يا جماعة لما احنا بنقص للموضوع ده عاملين زي الطفل الطفل اللي ماسك
موبايل لعبه طفل ماسك موبايل لعبه. طفل طفل ما بيفهمش في الالكترونيات خالص - [00:26:23](#)

ماسك موبايل لعبه وماماسك اييفون. تمام؟ وقدامه واحد خبير موبايلات. خبير في الالكترونيكس. تمام الطفل بيذوس على اللي في
موبايل اللعبة ده بيطلع صوت. تيت تيت تيت تيت وبيذوس على الايفون - [00:26:39](#)

بيطلع صوت برضه فيبيقول ايه المشكلة يعني؟ طب ما احنا نعرف نعمل زيده اهو ادي موبايل واحد اادي موبايل زيده. ايه الفرق بين
الاتنين اللي بيفهم في الالكترونيات هيضحك هيضحك يقول له والله انت على قد دماغك. انت عشان ده بي Zimmerman وده بي Zimmerman زي بعض. لا
ده فيه هنا فيه هنا وفيه شغل جينا يعني اعمار - [00:26:59](#)

هلكت عشان يتعمل الموبايل ده ده بلاستيك ده صيني ده لكن ده ده فهمان لكن احنا عاملين كده يا جماعة احنا عاملين ولما
بنشوف اللغة هنشوف القرآن كده ونشوف اللغة. عاملين زي الاطفال. نقول هو ايه هو فين فين الاعجاز اللي في القرآن اللي يخللي
حد ما يقدرش يجيبي زيده؟ احيانا - [00:27:22](#)

خطيرة كده بتيجي لك افتكر المسأل ده احنا قدام اللغة عاملين زي الطفل اللي ماسك موبايل لعبه والعرب عاملين زي اللي فاهم في
الايفون اللي فاهم في الايفون عارف ان ده اييفون وده لعبه - [00:27:42](#)

لكن الطفل ما بيفهمش. احنا علشان غالبة في اللغة بقينا عاملين زي الاجانب في اللغة فبقى يعني بالنسبة لنا احنا بنقص للنص القرآني
هو ماشي انا مصدق ان هو معجز بس انا الصراحة مش فاهم هو فين الاعجاز معلش لما تكبر وتتعلم لما - [00:27:56](#)

تبقي تعدي مرحلة الطفولة في اللغة هتفهم الموضوع دوت وتهتعرف ليه العرب وقفوا عاجزين قدام النص دوت بس الموضوع يحتاج
تعلم كثير ام يقولون تقوله بل لا يؤمنون. طيب فليأتوا بحديث مثله ان كانوا ايه؟ ان كانوا صادقين. ثم قال تعالى - [00:28:12](#)
طيب ثم قال تعالى ام خلقوا من غير شيء ام هم الخالقون؟ اه هنا بقى ايه السؤال المهم ام خلقوا هنا بقى الآيات اللي وقف عندها

جبير ابن مطعم فاكرين؟ جبير ابن مطعم لما راح للنبي عليه الصلاة والسلام في - 00:28:30

في المدينة عشان يتفاوض على سارة بدر بيقول فمررت عليه فكان يقرأ هذه الآيات ام خلقوا من غير شيء ام هم الخالقون ام خلقوا السماوات والارض من لا يوقفون قال فسمعتها فكاد قلبي ان يطير بها فرحا - 00:28:48

قلبي ان يطير بها فرحا ليه قال زبير بن مطعم الكلام دوت لان الآيات دي بالزات يا جماعة آآ خطيرة جدا آآ رهيبة جدا فعلا يعني دي آآ الرجل العربي - 00:29:04

من من البلاغة ان هو يحب الردود السريعة القوية المفحمة. وكان عندهم ده من البلاغة. ان انت تقول كلام قصير سريع ورا بعضه حجة ورا حجة ورا حجة - 00:29:21

هو سمع كلام كل كلمتين بيحلو مشكلة ضخمة جدا كل كلمتين باعجاذب. فيبيقول انا قاعد مش مصدق نفسى. ايه الكلام ده؟ مين يقدر يرتب كلام بالطريقة ديت ويحل كل الاشكالات ديت؟ تعال اشرح لي - 00:29:35

بس الآيتين عشان تعرف ولبه قلبه طار فرح اول حاجة ربنا هنا بیناقش مسألتين في كلمة واحدة قوله تعالى ام خلقوا من غير شيء. خلينا في اول جملة هنا الكلمة دي بس على اختصارها ناقشت - 00:29:50

نوعين من الملاحدة النوع الاول اقول لك المعنيين وبعد كده نقول النوعين. يعني ايه ام خلقوا من غير شيء؟ المعنى الاول ام خلقوا من غير شأن. يعني هل خلقوا بلا شيء - 00:30:07

بلا شيء يعني اتخليقوا كده من غير حد خلقهم ده المعنى الاولاني المعنى الثاني هو اللي يحتاج منا التركيز. ام خلقوا من غير شيء ام خلقوا لغير شيء وهنا من - 00:30:22

هيقولوا ان مين هنا سببية. مين سببية ام خلقوا لغير شيء يعني لغير سبب. طب ايه الفرق بين الاولانية والثانوية؟ الاولانية بتنتفي الفاعل بتنتفي الفاعل ام خلقوا من غير شيء يعني بدون فاعل هو اللي هو اللي ايه هو اللي خلقهم - 00:30:35

لكن المعنى الثاني ام خلقوا لغير شيء هي بتنتفي الفاعل بس بتنتفي الغاية بتنتفي الفاعل لكن بتنتفي الایه الغاية. يعني فيه خالق بس خلق لغير شيء. يعني خلق وترك من غير اي ايه؟ غاية - 00:30:51

والحقيقة ان الجملة دي على اختصارها واعجازها غطت الكلمتين لان من تحتمل المعنيين اما من غير شيء يعني بغير شيء او من غير شيء يعني لغير شيء شفتم الروعة ديت - 00:31:06

فعلا الملحدين على درجتين خد بالك الالحاد مش مش دماغ واحدة الملحد اللي بيسموه الملحد الایه؟ الملحد اللي هو بينكر الفاعل. بينكر الخالق نفسه. في يقول ان الخلق ده تم بدون خالق. انما كان - 00:31:19

او باي اطروحات بيطرحوها بس المهم ان هو ينفي وجود فاعل حكيم آآ قصد لهذا الخلق وانه مدبر وانه آآ اراد ان يخلق وانه له قدرة وارادة والكلام دوت ده الملحد الاولاني. فيه نوع تاني من الالحاد بيثبت الخالق لكن ينفي الغاية. بيقول انا اسبت ان فيه خالق للسماءات والارض لكن خلق بلا - 00:31:34

بلا هدف خلق وترك خلق الكون وتركه. يعني هو يعني لا فيه شرع ولا دين ولا رسول ولا رسالات ولا حاجة. فده الملحد النوع الثاني من الالحاد. فسبحان الله الایة دي راضية - 00:31:58

على الآيتين اول حاجة ردت على الاولاني ام خلقوا من غير شيء يعني من غير فاعل. ودوت وده امر فعلًا انسان ايه امر عجيب يعني كلام مش مقبول. ليه بقى مش مقبول؟ - 00:32:12

مش مقبول لانك انت آآ ما فيش حاجة اسمها يعني بيخالف الامر ده بيخالف بديهيات العقل. يعني ايه بديهيات العقل؟ يعني القواعد العقلية المتفق عليها بين كل الناس - 00:32:27

بديهية يعني ايه بديهية؟ يعني يستوي فيها العالم والجاهل. الصغير والكبير. يعني لا تحتاج الى تعليم ايه هي البديهية العقلية؟ البديهية العقلية بتقول كل حدث له محدث كل حدث له محدث - 00:32:41

وكل يعني شيء آآ مفعول له فاعل دي اسمها بديهية عقلية يعني ايه بديهية عقلية؟ يعني لا تحتاج الى تعلم واكتساب اي حد من غير

ما اتعلمه بيفهمها لوحده - 00:32:58

لو جبت طفل لسة صغير ما بيتكلمش حتى. تمام؟ او حتى لسته بيتكلم. فجيست انت كسرت له اللعبة بتاعته من غير ما يشوف اول ما هيجي تمام؟ السؤال البديهي هيقول مين كسر اللعبة - 00:33:15

هو ليه سأل السؤال البديل ده هل في حد قعد مع الطفل دوت وقال له والله بص في قاعدة في الحياة لازم نعلمها لك كل حادس له محدث وكل شيء بيحصل - 00:33:33

له فاعل ما حدش قال له كده لكن هو الولد ده شيء فطري في في الكود العقلي اللي ربنا فطر عليه الناس. خد بالك لما ربنا خلق الانسان خلق له كود معين. كود معين فيه بديهيات عقلية - 00:33:43

وبديهيات اخلاقية ودي من ملامح الفترة وده موضوع كبير. وده من الحاجات ادلة الخالق ان كلنا عندنا نفس الكود دوت. كود العقلي والكود الاخلاقي كلنا لما بنطلع بيبقى عندنا حاجة عقلية بديهية كلنا بنطلع عارفينها لوحدهنا. وعندهنا كود اخلاقي الزنا غلط الايه؟ القتل غلط الزلم - 00:33:59

وحش الصدق حلو. ليه كلنا بنلاقي عندنا نفس الكود دوت رغم ان الكود ده مش موجود عند ممكن بعض الحيوانات يعني مسلما الاسد سؤال الاسد هل الاسد يرى ان القتل غلط - 00:34:21

لأ خالص ولا ضميره بيايشه في الموضوع ده خالص هل القرد يرى ان السرقة غلط لا خالص. لانه حياته ما تقومش الا كده فربنا فطره على حاجات مناسبة له وفطرنا احنا على حاجة مناسبة لنا - 00:34:36

ان احنا بنحس السرقة غلط بنحس القتل غلط اه من الاسد بيقتل بس هو عمره بيحس ان القتل غلط. ان هو ما يعيش غير كده طب ليه كل اسد بيلاقى كده وكل انسان بيلاقى كده ليه ما لقيناش انسان طالع بفطرة اسد واسد طالع بفطرة انسان لان فيه فاعل حكيم مدبر قاصل - 00:34:53

المهم ده موضوع يطول بس عايز اقول ان من البديهيات العقلية اللي انسان بيلاقيها في عقله دايما ان لكل حدس له محدس انا لو نزلت لقيت عربتي مدغدة اقول مين اللي عمل كده؟ هيجوا يقولوا لي لا ده هي لوحدها. هو ما فيش حاجة اسمها كده. ما فيش حاجة اسمها كده. والا - 00:35:11

لو انت اصلا يعني يعني من الحاجات اللي بنزد بها عليهم ان لو انت لعبت القاعدة دي تنتهي الحياة. الحياة تقف بجد تقف ليه غالبا اللي بيتكلموا في الالحاد ده بيدعوا ان هم علماء - 00:35:30

ورغم ان هم علماء يعني جم على اهم حاجة ما عملوهاش. ليه اصلا العلم قائم على ايه؟ معلش العلم قائم على ايه قائم على القاعدة ديت. ايه رأيكم بقى العلم كله قائم على القاعدة ديت. ان لكل حادث محدث - 00:35:48

معنى انا دلوقتي علماء الطب بيجوا يشوفوا اعراض في الانسان حاجات بتحصل في الانسان بيعملوا ايه اول حاجة بيدوروا على السبب بعد ما يدوروا على السبب يلاقو السبب وبعد ما يلاقو السبب يلاقو علاج والكلام دوت - 00:36:04

طب هم ليه بيدوروا على السبب لأن في بديهية عقلية بتقول ان طالما في حدس يبقى له ايه؟ سبب ومحدس صح وعلى ذلك قام الطب والهندسة حتى الجرائم يا عم لقينا واحد مقتول. الزبطة هيجوا يعملوا ايه؟ هيدوروا على القاتل - 00:36:25

في حاجة ممكن واحد يقول لهم والله لأ ده مات لوحده واتقتل لوحده. الرصاصة نتفت في عينه ما حدش هيصدق كده. والا تتوقف الایه؟ التحقيقات كلها طب انت بتعملوا كده في الشرطة وبتعملوا كده في الطب وبتعملوا كده في في الهندسة وبنقولوا ان انت علماء وجئتم في الكون اللي هو كله ابداع واتقادن وقوانين دقيقة - 00:36:44

جدا واعجاز وفي كل حاجة فيه دقة هائلة تدل على صانع قدير حكيم وجيست تقول لأ ده كل ده صدفة اما يبقى الطب كل الامراض صدفة وكل الجرائم صدفة. حاجة غريبة - 00:37:03

ام خلقوا من غير شيء. ايه ده بيقى دي اول حاجة الثانية بقى ام خلقوا من غير شيء يعني لغير شيء يعني بلا هدف لغير شيء بلا هدف. وده برضو غريب - 00:37:17

معلش الصانع دايما كل ما الواحد ازداد علم ازداد حكمة. صح هل يتصور ان الصانع اللي صنع كل الصنعة الرهيبة الهاينة دي؟ كل ده بالا هدف؟ عبس ده انت لو لما الواحد بيعمل يعني لو عمل لو واحد عمل لعبه صغيرة بيعملها الهدف - 00:37:29

الولاد يلعبوا بها عشان يكسب بها. تمام؟ فازاي تقول ان كل الصنعة دي بلا هدف بلا غاية. هذا مناقض للعقل لابد ان يكون الصانع الحكيم له غاية. فضلا عن ان هو - 00:37:51

بل قال لنا الغاية اصلا. مش ارسل الرسل وانزل الكتب واخبر بالغاية. وجعل للرسل معجزات وادلة وبراهين. عشان الناس تصدقهم عشان يقولوا لهم الغاية ويعني ده من رحمة ربنا ان ما حسبكش على الغاية الا لما تبلغك - 00:38:05

وما كانا معذبين حتى نبعث ايه رسولا فاهمين الفكرة فمن رحمته ما حسبناش على الغاية دي الا لما نقولها لك بنفسنا. نقولها لك عن طريق الرسل بتاعتنا. كان ممكن يحاسبك عليها ان انت عقلك المفروض يوصلك لها - 00:38:21

ان اكيد فيه خالق واكيد الخلق ده له غاية. والغاية هي الاستسلام للخالق وعبادته. بس ماشي. من رحمة ربنا مش هيعدب حد الا لما الرسول يوصل له بيلغها له هنعمل ايه اكتر من كده - 00:38:37

يبقى اولا فيه خالق اكيد. واكيد فيه غاية ان لا يمكن يكون الخلق ده عبس ده يتنافي مع حكمة الخالق. يعني ربنا له حكمة في كل حاجة. تشووفه في خلق الانسان في الكون في القوانين اللي ربنا وضعها للكون. وبعد كده تقول كل - 00:38:50

الكون ده بلا حكمة مناقض للبيهارات العقل ام خلقو من غير شيء. طيب. بعد كده ربنا ليه هم الخالقون؟ طيب انت بتقول خلق؟ اتخلقت من غير شيء. يبقى الاحتمال الثاني - 00:39:07

ان انت اللي خلقت نفسك. يعني لو قلنا ان انت اتخلقت من غير شيء دي ما ينفعش لعدم يوجد شيء. لأن العدم عدم. فازاي العدم يوجد شيء؟ يبقى دي من - 00:39:21

يبقى الاحتمال الثاني ان انت خلقت نفسك. ام هم الخالقون طب ازاي انت خلقت نفسك اذا كنت قبل ما تخلق نفسك كنت مش موجود يبقى دي برضو تناقض العقل ان لازم الخالق يكون موجود قبل المخلوق - 00:39:31

فازاي انت خلقت نفسك؟ يبقى دي برضو ما تستقيمش عقا طب خلينا ننزل جدلا ان انت خلقت نفسك. خلقت ايه نفسك جدلا تمام؟ طيب لما خلقت نفسك حضرتك مش لقيت نفسك واقف على ارض وفوقك سماء - 00:39:45

مين اللي خلق السما والارض ام خلقو من غير شيء؟ ام هم الخالقون؟ اللي بعد كده ام خلقو السماوات والارض طب مين بقى اللي خلق السما والارض ازا كان انت كلنا لما وجدنا لقينا تحتينا ارض وفوقينا سما جت منين؟ برضو خلقتها - 00:40:01

يعني انت خلقت نفسك وقبل ما تخلق نفسك خلقت سما وارض طب فين؟ طب ازاي مطمئن من خلقو السماوات والارض يبقى كده ما فيش غير بل لا يوقنون بل لا يوقنون. يبقى المسألة كلها انت لا تتيقن ولا تريدين ان تفهم ولا تريدين ان تعقل. شفتم جمال النزم القرآني ده اللي خلى جبير ابن مطعم يبقى - 00:40:19

انا مش مصدق الجمال دوت وقلبه بيطير فرح من من ابداع. عشان كده بنقول يا جماعة بعض الناس يقول لك آآ ما ينفعش نناقش الملحدين بالقرآن ما ينفعش نناقش الكفار بالقرآن عشان هو اصلا مش مؤمن بالقرآن. خد بالك هو القرآن مش مسألة كلام بنقوله. هو القرآن جواه الادلة العقلية - 00:40:42

القرآن اقوى وسيلة للاستدلال العقلي على الكافر. فانا لما باجادر بالقرآن مش باجادل بالنص الرباني اللي هو ملزم به. هو مش مصدقه ومش ملزم به وهو مش شايفه نص رباني. بس انا باعتمد على حاجتين على ان هو اصلا جواه جوة النص الرباني ده ادلة عقلية. مفحة - 00:41:02

لай حد. زائد بعتمد على سلطان القرآن عموما على النفوس. ودي حاجة يعني مش هنفهمها. احنا بنشفوف دلوقتي كافر بيسمع القرآن يبيكي صح؟ كافر بيسمع القرآن يتأسر بالرغم ان هو مش فاهم. في سلطان على النفوس بالقرآن ده مبدئيا غير ان هو جواه الادلة العقلية - 00:41:22

فذكر بالقرآن. ربنا اللي قال كده. فذكر بالقرآن. من يخاف وعيid. بس المهارة ازاي تستعمل القرآن في افحام الخصم بل لا يوقنون ثم

قال فليأتوا بحديث مثله ان كانوا صادقين - 00:41:41

خلاص من خلقوا من غير شيء بل لا يوقنون ام هم المسيطرؤن؟ بص هنا بقى طالعة بيهم طلعة تانية. الطلعة 00:41:59
التانية دي بتقول ايه؟ بتقول لو انت حتى -

ماشي انت خلقت خلاص مين بقى اللي بيدير امر الكون انت برضو اذا كان انت بتموت اصلا. جد جدك مات مين اللي بيدير
امر الكون مين اللي بيمنفه؟ - 00:42:10

مين اللي بيرزق انت برضه مين اللي مين اللي بيدير الخلاق ام عندهم خزائن ربك؟ ام هم المسيطرؤن؟ انت الذي تحكم الكون
وتعرف بيحصل تعرف بيحصل ايه تحت البحر؟ تعرف تدير امر الحشرات والكائنات - 00:42:25

والملائكة وفوق البحر وتحت البحر والانس والجن انت تعرف عنهم حاجة اصلا سيطر عليه انت انت شوية معك شوية فلوس ولا لك
شوية خدم افتقربت نفسك كبير؟ ايه علاقتك انت بكل التدبير دوت - 00:42:42

مين اللي بيديره؟ مين اللي يستحق ان يعبد الاصنام انت الذي له الخزائن وله السيطرة التامة ام هم المسيطرؤن ام لهم سلم
يستمعون فيه اه اللي هي الحكاية اللي حكيناها سلم يستمعون فيه؟ ولا لكم انتم بقى سلم بتطلعوا تعرجوا الى السماء وتسمعوا خبر
السماء فانت بتقولوا احنا - 00:42:57

زيه وعندنا نقدر نقول كلام زيه ام لهم سلم يستمعون فيه؟ هات اللي انت هات بقى اللي عندك. فليأت مستمعهم بسلطان مبين وبعد
كده ربنا بيعيي عليهم بقى اللي انت احتاجته. كمان. حتى لما عملتوا باطل - 00:43:20

طلع باطل غير منطقي وغير مقبول ام له ام له البنات ولكم البنون هنا بقى هنا ببناقش واحد هو مقر بقى طالعة طالعة تانية خالص
واخلص على الالحاد بكل صوره. آآ خلص الالحاد بكل صوره. بعد كده بنخشن في المعترض بالخالق - 00:43:39

وبيعبدوا كمان اللي هو المشركين هم بيعدوا ربنا بس بيجعلوا له انداد. طب مين الانداد دول؟ الاصنام اللي هم مين؟ اللي هم آآ اللات
والعزى ومنا. طب الاصنام دي آآ الشيطان ازاي زي اللوم عبادتها؟ قال لهم الاصنام دي صور للملائكة - 00:43:57

والملائكة بنات الله ولما تعبدوا الاصنام انت بتقربوا من ربنا تمام ما نعبدهم الا ليقربونا الى الله زلفي كده سموا الاصنام باسماء مؤنسة
عن الله. فسموا اللات مؤنس الله. والعزة مؤنس العزيز ومناه مؤنس المنان - 00:44:18

ما له دي صور للملائكة والملائكة يا بنات الله فهنسميها كده ونبعدهم عشان يقربونا من ربنا هكذا خدعهم الشيطان ربنا بيقول يعني
يعني لما نسبته لله نسبته له البنات يعني اولا ده مناقض - 00:44:43

للعقل من بايين الباب الاول ان نسبة الولد عموما لله ولد او بنت غلط غلط ليه لان هو ما ينفعش من كذا من اتجاه. ما ينفعش من
كذا اتجاه. الاتجاه الاول - 00:44:56

ان كيف يكون للخالق ولد منطقي ما ينفعش يعني عقليا ما ينفعش ان الولد لازم يكون من جنس الوالد انا بنبي ادم بيطلعبني ادم.
شبعي له جلد وشعر وبيموت وبيمرض وله نفس صفاتي صح؟ - 00:45:14

طيب ده خالق لم يخلق طيب لما يبقى له ولد المفروض الولد يبقى نفس صفة الوالد الوالد خالق لم يخلق يبقى المفروض الولد يبقى
خالق لم يخلق طب ازاي الولد يبقى خالق لم يخلق - 00:45:32

وهو جه بعد الوالد يبقى هو خلق بدائي ان الخالق الذي لم يخلق لا يمكن ان يكون له ولد لان لا يوجد شيء يمكن ان يكون مثله يأتي
بعد تمام - 00:45:50

يبقى دي المسألة الاولانية المسألة الثانية ان نسبة الولد الى الله نوع من المسبة والانتقاد لله يقول لي ليه ده الولد ده من
الكمالات خد بالك من حاجة قاعدة مهمة جدا افهموها - 00:46:06

قاعدة مهمة جدا افهموها واكتبوها كل كمال في البشر كل كمال بس اكتبوا الكمال مطلق كل كمال مطلق في البشر في الخلق الله
اولى به تاني كل كمال مطلق في البشر الله اولى به - 00:46:22

يعني لو ان الناس تعتبر ان الحياة كمال يبقى اكيد ربنا له حياة اكمل لو السمع كمال يبقى اكيد ربنا سمعه اكمل. لو البصر كمان يبقى

ربنا بصره اكمل. لو القوة كمال يبقى ربنا اقوى - 00:46:40

طيب ده كل كمال مطلق يعني كمال مش سببه نقص او عجز السؤال اللي بعد كده بعد ما فهمنا ديت هل الولد بالنسبة للبشر كمال مطلق تاني جاوبوني على السؤال دوت. هل ان انا يبقى عندي اولاد اكيد اللي عنده اولاد في البشر احسن من اللي ما عندهش اولاد - 00:46:54

بس هل الولد في البشر جمال مطلق ولا كمال بسبب نقص كمال مطلق يعني مش عشان فيه نقص هو كمان مطلق لكن في كمال نسبي. يعني ايه نسبي؟ كمال بالنسبة لك. مش كمال مطلق. هو كمال نسبي. بالنسبة لك انت كمال - 00:47:17
ليه؟ لانك انت ناقص وعاجز ليه الولد يبقى كمال في البشر نسبي مش مطلق؟ جمال نسبي لأن الانسان بيكر فيحتاج حد يساعدده. وده مش في حق الله. بيموت وعايز حد يشيل اسمه. ده مش في حق الله - 00:47:42
يحتاج عاطفياً ومشاعر ان يكون عنده ولد. وده مش في حق الله. بيحتاج ان يكون عنده زوجة واسرة عشان يتبسيط وده مش في حق الله يبقى وجود الولد في الانسان هو كمال بالنسبة له - 00:48:00

بس مش كمال مطلق فمش معنى ان وجود الولد هو كمال نسبي في الانسان. ان يكون كمال في حق الله. في حق الله بيكون العجز. بيكون العكس بيكون سب لله. لانك انت عشان تقول ان ربنا له ولد يبقى لازم تسبت له نفس العجز اللي عند النبي ادم اللي سبب ان النبي ادم - 00:48:18

مح الحاج ولد لو قلت ان ربنا له ولد يبقى انت بتقول ان الحاج ولد حد يساعدده حد يبقى بعده وده مش ممكن عشان كده في الحديث سبني ابن ادم ولم يكن له ذلك. واما سبه لي قوله اني اتخذت ولدا. وانا الواحد الاحد لم الد ولم اولد - 00:48:39
خدت بالك يبقى دي المشكلة الاولانية انهم اصلاً نسبة الولد لله سب لله. واتهام له بالعجز والنقص لأن الولد يكون كمال في حق ناقص اما الكامل الذي لا يحتاج الى ولد فنسبة الولد له مسبة. فهمنا - 00:49:06

المشكلة الثانية بقى ان كمان لما نسبتوه الولد نسبتوا له البنات طبعاً هو هو طبعاً البنات والولاد عند ربنا افضل هو الاتقى كده كده. بس هو بيكلمهم بدماغهم هم انتم نفسكم بتستعرروا من البنات - 00:49:26

في دماغكم انتم يعني. شاييفين البنات انقص من الولاد. واذا بشر احدكم بالانسان ظل وجهه مسوداً وهو كظيم. يعني يوم ما نسبته لله. نسبت له الانقص يعني حتى لما جيتو تعملوا باطل متناقض مع دماغكم - 00:49:43

فلا منطق في اصله اللي هو نسبة الولد عموماً ولا منطق في تفاصيله ان انت اخترتم البنات دون البنين انتم تعتبروا ان البنات عار وعيي مش جاية معك مش جاية خالص - 00:49:59

تلك اذا قسمة بيزة فهمتوا ام لا والبنات لكم البنون؟ طيب نشوف حاجة تانية حجة تانية. ام تسألكم اجراهم من مغرم مثقلون. طب يا ترى يا ترى انت مسلاً لك مصلحة في ادعاء النبوة - 00:50:12

عشان كده آآ ممكن يتهموك بها يقولوا والله هو آآ بيدعوي النبوة عشان يبقى له ملك. بيدعوي النبوة عشان ياخذ فلوس. ده انت عليه الفلوس وعرضتوا عليه النساء وعرضتم عليه الملك وعرضتم عليه كل حاجة ما قبلش. وهو كان عزيز فيكم وكان مكرم وكان اصلاً سمعته زي الفل - 00:50:29

والنبوة دي جابت له السب وجابت له الضرب وجابت له الايزاء وجابت له ايزاء لاهل بيته. ولاصحابه وما طلبش منكم حاجة. ده مش يخليك تشغل مخك ما طلبش منك اجر وما خدش اي مصلحة من وراها. بل خد كله كان ضرر ضرر شديد جداً عليه. طب هو مستحمل كل ده ليه - 00:50:49

وكمان انتم قلتوا له بس بدل شوية في القرآن واحنا هنعمل لك اللي انت عايزه. شيل بس الكلام على الاصنام وبتاع واحنا معك. لو هو بيافل طب ما تأليف بتتأليف - 00:51:09

هعمل لكم اللي انتم عايزينه عشان تدوني اللي انا التمام ايه اللي مخلية مستحمل كل دوت؟ ما هي دي برضو بتخليك تفكك ان تسألكم اجرا انت سألكم اجر فهم متضايقين من كتر ما انت كلفتهم فهم من مغرم مغرم يعني غرامه فلوس بيدفعوها لك. مثقلون ما فيش -

طب شغل مخك ام عندهم الغيب فبيعرفوا الغيب وانت بتعرف الغيب فيقولوا لك فانت لما تقول لهم غيب هم يردوا عليك بغيهه ولا ما عندهمش غيب طب عندهم الغيب يعرفوا ان انت رسول ولا مش رسول؟ ما عندهمش - 00:51:38

ام عندهم الغيب فهم يكتبون ببقى الحل الوحيد يبقى هم بيكيدوا للسلام ولو بقى بيكيدوا للسلام يبقى كده اطمئن يا محمد وما تقفلش ام يريدون كيدا؟ ساعتها بقى يبقى كده ايه امرهم انتهى - 00:51:52

والله هيكيدي لله اه اطمئن يا محمد. طالما احنا وصلنا مرحلة الكيد كده اطمئن لان اولا اللي نقلق منه ان حد يكون عنده دليل. والحمد لله اسبتنا ان ما حدش عنده دليل خالص - 00:52:09

يبقى لم يبقى الا ان هو طاغية مفسد يريدي الكيد للسلام بس ولو وصلنا للنقطة دي اطمئن بقى يبقى هم كده ايه بيعاملوا مع ربنا بقى. يبقى هم كده دع الامر لله يا محمد - 00:52:23

ام يريدون كيدا؟ تعالوا لي بقى والذين كفروا هم المكيدون اه يبقى انت كده انهم يكيدون كيدا واكيدوا كيدا ومكر ومكر الله. يبقى كده بيعامل مع ربنا بقى مباشرة واطمئن يا محمد - 00:52:36

كده في اخر السورة هيقول له ايه فاصبر لحكم ربك فانك باعيننا يعني شف بقى هنعمل فيهم ايه بس انت اصبر اصبر على اللي بيحصل. ودعى المعركة ليه طالما وصلنا للكيد والمكر - 00:52:52

والذين كفروا هم المكيدون ام لهم الله غير الله؟ ها بعد كل ده سبحان الله تقدس لله سبحان الله عما يصفون وبعد كده ربنا بيبيين ان هم حتى ما بيتعزروش وما بيعتبروش - 00:53:08

بالمصايب اللي بتحصل لهم ولا حتى يعني بيفكرروا يشغلوا دماغهم في ان ممكن ربنا ينتقم منهم في اي وقت حتى نوائب الدهر بينسبوها للحداد الطبيعية ويروا كسفها من السماء ساقطا - 00:53:27

يقول سحاب مركون يروا كسفها من السماء ساقطا يقول سحاب مركون يعني بيجتمع لما يجتمع عليهم الايه؟ السحب وتنزل بقى عليهم الايه القوارع من السماء وكده بيفسروها تفسير طباعي بس - 00:53:43

مش عايزين يفسروها تفسير رباني يعني ايه ؟ يعني زي مسلا تسونامي مسلا تسونامي كان فيضان الهائل دوت. وكان الغرض منه الناس تعتبره تتعز صح؟ تمام طيب ايه النتيجة؟ النتيجة ان الناس العلمانيين والكافرة والملائكة - 00:54:00

آكل اللي طلعوا به ان دى ان تسونامي سببه والله خلخلة حصلت في البحر مع مش عارف ايه والامواج وبتاع وآآ ولاجل ذلك حصل ايه اللي حصل اعصار كاترينا آآ بسبب حركة الرياح التي جات من هنا لهنا والكلام ده. زلزال تركيا والله بسبب بسبب كل مرة لما 00:54:20

يفسروا الزاهدة او العقاب او المصيبة اللي بتحصل لهم من الله يفسروها التفسير الطبيعي فقط ويقفوا هنا وكمان بيضيفوا عليه ان هم بينسبوها لها فعلا كفاعلا. فيقولوا غضب الطبيعة - 00:54:41

الطبيعة تنتقم منا. الطبيعة تغضب منا عشان احنا بنعاملها وحش لو قلت لهم بقى يا جماعة هذا انتقام من الله او هذا تحذير من الله او هذا نذير من الله. يقول لك يا عم الكلام ده كلام ايه؟ ما لوش معنى. العلم - 00:54:56

فسر لنا كل حاجة العلم فسر لنا كل حاجة وهنا بنسألهem السؤال هل التفسير العلمي ينفي السبب الرباني لأ ومعنا هو انا بقول ان ربنا عمل كده. يعني عملها بدون سبب - 00:55:13

طب ما هو اكيد ربنا سبب عشان المصيبة دي تحصل هو انت السؤال بقى اللي ورا السبب. انت دلوقتني قلت لي كيف؟ وانا باقول لك من انا قلت لك تسونامي ديت حصلت ازاي؟ فانت قلت لي كيف حصلت بالتفسير المادي الطبيعي؟ انا سؤالي ورا كده - 00:55:31

من ولماذا من ولمازا انت قلت لي كيف بس ما فسرتش من ولماذا انا عايزك تيجي هنا. هو ما بيحبش دي هو بيقف هنا هو يقف هنا. هو يقف عند كيف بس - 00:55:51

لكن نيجي عند من؟ ولمازا مش عايز ولا تقول لي لاما؟ عشان دي بتعكر عليه. فلما تقول له من يقول لك الطبيعة. لاما ما فيش سبب؟ هو كدا ويروا كسفنا من السماء ساقطا يقول ايه؟ سحاب مرکوم وهو سحاب مرکون وخلاص - 00:56:08

ده سحب والطبيعة ودي زاهرة طبيعية وخلص الكلام لكن احنا بتقول في وراء كيف ده؟ في منوى لاما؟ من الله الله هو الزي فعل ذلك. وكان ممکن ما يحصلش كان ممکن ما يحصلش لاما - 00:56:25

اه وما اصابكم من مصيبة فيما كسبت ايديكم ويعرفو عن كثير. ظهر الفساد في البر والبحر بما كسبت ايدي الناس ليديهم بعض الذي عملوا لعلهم يرجعون. فهنا المؤمن بيり وراء الاحداث دي رب - 00:56:42

رب يفعل رب مدبر رب حكيم ويり رسائل خوف وراء تحذير ويري اسباب ويري فعلاً الفسوق والمعاصي والكفر والالحاد اللي انتشر سبب اللي بيحصل لكن تعال الكافر الملحد مش عايز. يقول لك انت بتخرب. خلاص العلم اسبت لنا كل حاجة. احنا مش محتاجين فكرة الرب بتاعتك ديت - 00:57:00

قل له هو يا ابني هو هو هو كيف من في من؟ يعني كونك عرفت كيف؟ اللي هي اصلا رينا علمنا لك معلش في الاخر رينا هو اللي علمنا كلنا - 00:57:18

شايف كونك عرفت كيف يبقى انت جامد اوبي كده يبقى ما فيش الله انا بسألوك من ايوة مين بقى اللي حرك السحاب؟ مين اللي هز مين اللي حرك الارض؟ وليه - 00:57:29

هو بقى مش عايز ييجي على التفسير الرباني ده. هو بيقف هنا والمؤمن له بقى ايه السكة بتاعته تمام؟ يقول الصحابي مرقوم فذرهم. خلاص طالما هم بقى على الحال ده فزارهم. زارهم الى متى؟ حتى يلاقوا يومهم الذي فيه يصعقون - 00:57:39

حتى يلاقوا يومهم الذي فيه يصعقون ايه يا امام الذي فيه يصعقون؟ قيل اللي هو يوم الصعقة ونفخ في الصور فصعق من في السماءات ومن في الارض اللي هو الصاعقة الاولانية اللي هيموت بعدها كل الخلائق - 00:57:56

وقيل يوم يصعقون عند موت كل واحد فيهم بس الظاهر التفسير الاولاني اللي هو ايه تفسير الصاعقة بالصاعقة الكبرى اللي هيهلك فيها كل الایه البشر وفي تفسير تاني زي ما قلنا الصاعقة اللي هو يوم موت كل واحد فيهم - 00:58:11

كده رينا قال بعدها يوم لا يغني عنهم كيدهم شيئاً. هتعمل ايه بقى ساعتها يوم لا يغني عنهم كيدهم شيئاً. ولا هم ينصرؤن ولا هم ايه؟ ولا هم ينصرؤن ولا هم ينصرؤن - 00:58:27

يوم لا يغني عنهم كيدهم شيئاً هي عمل ايه كيده بقى يوم القيمة؟ هتعمل ايه بكيدك يوم الصاعقة؟ هتعمل ايه بكيدك اذا زلزلت الارض زلزالات هي عمل ايه كيده؟ ازا السماء انشقت وهي وازنـت لريها وحقـت. هي عمل ايه كيده؟ مقوم يعني مجتمع - 00:58:40

هي عمل ايه؟ كيده لما لما آآ يوم تشـقـقـ السمـاءـ بالـغـامـ وـنـزـلـ المـلـائـكـةـ تـنـزـيلـاـ دـهـ اـنـتـ اـنـفـهـ مـاـ اـنـتـ اـنـ شـاـيفـ نفسـكـ جـامـدـ وـمـسـيـطـرـ دـهـ اـنـتـ بـسـ لـمـ عـلـشـ مـوـجـةـ بـحـرـ اـتـفـرـقـنـاـ كـلـنـاـ يـاـ جـمـاعـةـ - 00:58:59

محـاجـةـ زـلـزالـ يـعـنـيـ. اـنـتـ بـتـقـفـ بـسـ قـدـامـ الـبـحـرـ مـعـلـشـ انـزـلـ الـبـحـرـ كـدـهـ. اـعـرـفـ حـجمـكـ الطـبـيعـيـ الـبـحـرـ العـادـيـ بـمـوجـهـ العـادـيـ اـنـتـ ما تـقـدرـشـ عـلـيـهـ مـاـ تـقـدرـشـ عـلـيـهـ بـيـوـمـ بـسـ العـاصـفـةـ تـهـبـ كـدـهـ بـسـيـطـ هـتـعـرـفـ حـجمـكـ الطـبـيعـيـ - 00:59:18

يـوـمـ مـاـ اـرـضـ تـنـزـلـ زـلـزالـ بـسـيـطـ هـتـعـرـفـ حـجمـكـ الطـبـيعـيـ. اـمـالـ هـتـعـمـلـ اـيـهـ؟ اـزاـ زـلـزلـتـ الـارـضـ زـلـزالـهاـ الكـبـيرـ بـقـىـ يومـ لاـ يـغـنـيـ عـنـهـمـ كـيـدـهـمـ شيئاـ ولاـ هـمـ يـنـصـرـؤـنـ ولاـ هـمـ اـيـهـ؟ كـيـدـهـمـ شيئاـ ولاـ هـمـ يـنـصـرـؤـنـ ثمـ قـالـ تعـالـىـ وـاـنـ لـلـذـينـ ظـلـمـوـاـ عـذـابـاـ دونـ ذـلـكـ - 00:59:37

يعـنـيـ اـيـهـ عـزـابـاـ دـوـنـ ذـلـكـ فـسـرـتـ تـفـسـيـرـيـنـ دـوـنـ ذـلـكـ يـعـنـيـ دـوـنـ يـوـمـ الـقـيـامـةـ حاجـتـيـنـ. الـبـرـزـخـ وـالـدـنـيـاـ قبلـ يـوـمـ الـقـيـامـةـ فيـ حاجـتـيـنـ فيـ بـرـزـخـ وـدـنـيـاـ - 00:59:55

الـبـرـزـخـ عـزـابـاـ دـوـنـ ذـلـكـ لـهـمـ عـزـابـ فيـ الـبـرـزـخـ. يـعـنـيـ عـزـابـ فيـ الـقـبـرـ وـقـبـلـيـهـ كـمـانـ لـهـمـ عـزـابـ دـوـنـ ذـلـكـ فيـ الدـنـيـاـ رـبـناـ يـعـزـبـهـمـ بـاـيـهـ؟ يـعـذـبـهـمـ بـالـلـامـ بـقـىـ. مـمـكـنـ يـعـذـبـهـمـ بـاـنـتـقـامـ الـمـؤـمـنـيـنـ. لـوـ الـمـؤـمـنـيـنـ اـنـتـصـرـوـشـ عـلـيـهـمـ مـمـكـنـ يـعـذـبـهـمـ - 01:00:10

بالاضطراب بالقلق بالتوتر بالرعب بمصائب الدنيا بالخوف بنزع السكينة بنزع الطمأنينة بالحياة اللي مش طيبة بضمك المعيشة لازم

يعدبهم في الدنيا او يعذبهم باليدي المؤمنين. ممکن. ده لو المؤمنين انتصروا عليهم في الفترة ديت - 01:00:28
لكن لازم هيعدبهم في الدنيا. والبرزخ والآخرة. عزابا دون ذلك. ولكن اكترهم لا يعلمون ثم قال تعالى واصبر اه يبقى انا بعد كل ده لما شفت كل الكلام ده انا اطمئن - 01:00:48

انا ابقي جامد في الدعوة الى الله. انا ابقي جامد واتمسك بيديني. انا ما تقلقش تتخيل ده ربک. ده ربک اللي بيتكلم. ربک انت يا صاحب الاسلام يا صاحب الدعوة. يا صاحب المنهج السليم. شف ربنا بيتكلم ازاي. انت قلقان من ايه - 01:01:02
قلقان من ايه قلقان من ايه؟ انت عارف امتى تقلق؟ لما تبعد عن الدين مش لما تتمسك به تاني اكتبوا لي القاعدة ديت اللي يخاف هو اللي بيبععد عن النبي عليه الصلاة والسلام مش اللي بيقرب منه. عشان اللي بيقرب منه بيأخذ نصيب من الوعد اللي له. ايه الوعد اللي له؟ واصبر لحكم ربک - 01:01:17

فانك باعيننا فكل من كان على هدي محمد صلى الله عليه وسلم له نصيب من هذا الوعد الرباني هذا الوعد ليس لمحمد فقط عليه الصلاة والسلام. بل لكل من كان على هديه عليه الصلاة والسلام - 01:01:37
يبقى انا امتى؟ اقلق لما ابعد عن هدي النبي عليه الصلاة والسلام. كده انا فقدت الرعاية. والعناية الربانية واصبر لحكم ربک اصبر لما قدره الله عليك. يا جماعة ربنا حكم حكم باشياء قدر علينا قدر. قدر ان احنا مأمورين بالاستقامة وقدر ان طريق - 01:01:53
استقامة فيه متابع قدر ان احنا لازم ندعوا الى الله. قدر ان احنا لازم ننشر العلم. قدر ان احنا لازم اللي هتبليس حجاب. اللي هتبليس نقاب اللي اللي هيلتزم السنة - 01:02:14

هيواجه اصبر. هذا حكم الله بس اطمن ما تقلقش فانك باعيننا اعيينا هنا معناها رعاية الله سبحانه وتعالى. لكن ده لا ينفي ان الله له عين ان صفة العين ثبتت في الاحاديث وسببت في ايات تانية. فالله تعالى له عينان - 01:02:25
هنا عبر بالاعين عن الرعاية. فالصفة سابته وهي تدل على العناية والرعايا ايضا انك باعيننا عجبني قوي كلمة اتنقالت في الاية ديت قالوا كيف نام محمد صلى الله عليه وسلم في تلك الليلة - 01:02:48

بعدما قال الله الله له فانك باعيننا ربنا قال لسيدنا موسى ايه؟ ولتصنع على عيني لما قال للنبي عليه الصلاة والسلام قال فانك باعيننا الكلام اعلى بتناامي ازاي ليلتها؟ ورب العزة قال له الكلمة ديت - 01:03:10
كان احساسه ايه وهو وهي بتتقابل له كده من جبريل. ان ربنا بيقول لك انت في عيني في اعيينا انت اصلا الاية دي وانت بتصلني بها هتحس ان انت ملكت الدنيا - 01:03:34

ولا انا لاما امشي مع الرجال ده كده لما امشي وراه هاخد نصيب من الايادي اه كل ما تقرب تاخذ نصيب انك باعيننا دورك وسبح بحمد ربک حين تقوم. ومن الليل فسبحه وادبار النجوم - 01:03:46
هنا بقى اخر حاجة هنقولها النهاردة وسبح بحمد ربک حين تقوم اختلفوا في حين تقوم. تقوم لايه هنقوله الخلاف ونقوله سبب الخلاف بس نقول سبب الخلاف الاول وسبح بحمد ربک حين تقوم - 01:04:04

طيب هو ربنا قال هنا تقوم لايه ما قالش هنا بيسموه سبب الخلاف ان في محظوظ في محظوظ في الكلام تدل على الاثنين يا ضحي اسبات الصفة والرعايا ان الصفة ثابتة باحاديث وآيات تانية - 01:04:23

وهي اصلا هنا بتبدل على الرعايا كمان اه حين تقوم في هنا ايه؟ كلام محظوظ حين تقوم لماذا؟ لاي شيء فسبب الخلاف هيكون ان المفسر في تقدير المحظوظ تاني ايه هو سبب الخلاف ان في محظوظ - 01:04:43

وبالتالي المفسر هيضطر ان هو يقدر المحظوظ دوت. ايه هو الكلام المحظوظ حين تقوم لاي شيء خدوا بقى الاقوال لأن كل قول عليه دليل وده خلاف تنوع وكل الاقوال صح - 01:05:02

تمام؟ ادي القول الاول حين تقوم للصلاة حين تقوم للصلاة فكان النبي عليه الصلاة والسلام ازا كبر قال دعاء استفتح سبحانهك اللهم وبحمدك. ادي اهو سبح بحمد ربک اهو. سبحانهك اللهم وبحمدك - 01:05:19
وتبارك اسمك وتعالى جدك ولا الله غيرك. ادي واحد القول الثاني حين تقوم من اي مجلس لما تسأب مجلس وتقوم يعني. لما تخلص

قعدة وتقوم فكان النبي صلى الله عليه وسلم اذا قام من مجلس قال سبحانك اللهم وبحمدك - 01:05:38

اهو سبح بحمدك. سبحانك اللهم وبحمدك اشهد ان لا اله الا انت استغفرك واتوب اليك القول الثالث حين تم بقيام الليل. حين ت يريد ان تقوم الليل فكان النبي صلى الله عليه وسلم اذا - 01:06:00

قام الى الليل بدأ قرأ خواتيم آل عمران خواتيم آل عمران فيها آآ سبحانك ما خلقت ربنا ما خلقت هذا باطل سبحانك فقنا عذاب النار
حلو قوله الرابع حين تقوم - 01:06:17

اسناء النوم او من النوم وكان النبي عليه الصلاة والسلام يقول من تعارض من الليل يعني اللي يقوم كده وهو وهو نايم كده قام سواء قام فجأة او قام من نومه عموما من تعارض من الليل - 01:06:34

فقال لا الله الا الله وحده لا شريك له له الملك وله الحمد وهو على كل شيء قادر. سبحان الله والحمد لله ولا الله الا الله والله اكبر ثم قال اللهم اغفر لي او دعا استجيب له - 01:06:49

خدتوا بالك خدنا خدنا بالنها من اقوال وكلها جميلة وكلها تتفق اين تقوم اين هي مفتوحة كله يمشي اين تقوم ومن الليل فسبحه وادبار النجوم ومن الليل فسبحه يعني بالليل - 01:07:05

في قيام الليل في صلاتك في الليل فسبحه وادبار النجوم يعني ادبار النجوم يعني والننجوم مروحة خلاص والننجوم
ماشية. والننجوم بتخلص اللي هو وقت ايه؟ وقت الفجر عشان كده فسروها في تفسيرين. التفسير الاول سنة الفجر - 01:07:20

والتفسير الثاني صلاة الفجر في تفسيري بتفسيرين. التفسير الاول سنة الفجر يسموها سبحة. النافلة بتسمى سبحة النافلة تسمى
سبحة قالوا يبقى ديت فسبح مقصود بها صلى الله عليه الفجر والبعض قال الصلاة كمان بتسمى سبحة - 01:07:37

فقالوا لا المقصود بها صلاة الایه الفجر على خلاف على قول كده ايه اختاروا ابن حجر الطبرى قال ان سبح بحمد ربك
ربك حين تقوم حين تقوم من - 01:07:58

قيلولة الزهر طب ليه اختار القول دوت؟ اخر حاجة هنقولها حين تقوم من قيلولة الزهر. طب ليه اختار القول ده؟ قال لان ربنا قال
بعدها ومن الليل يبقى كده اتقال اتقال نومة النبي كان بينام بالليل - 01:08:14

كان بينام بالليل وبعد كده يقوم يصلى القيام وبعد كده بينام تاني بعد كده يقوم الفجر هو قال فاضل له نومة واحدة نومة الظهر. هو
كان بينام ثلاث مرات بينام اول الليل - 01:08:28

بعد كده يقوم وبعد كده بينام تاني لغاية الفجر وبعد كده يقوم وكان بينام قيلولة في الظهر. فقال ربنا زكره من الليل اللي هي بعد ما
تقوم من الليل. وادبار النجوم يعني لما تقوم لصلاة الفجر يبقى فاضل لنا ايه؟ قمت من - 01:08:40

قيلولة الظهر فابن حجر قال يبقى المقصود آآ حين تقوم حين تقوم من قيلولة الظور. ده اختياره لكن ما فيش مانع ان كل الاقوال انها
تمشي وصح. وخلصت خلاص سورة الطور الرائعة الممتعة كما لقتننا من يقين وعقيدة. شفت يعني ايه صورة واحدة - 01:08:54

يا جماعة ترد على الالحاد والنصارى ونسبة الولد والبنات وتسليط وتديك طاقة وتحببك في الجنة وتخوفك من النار وتقول لك اهل
الجنة وتديك الاشفاق وتديك الرد على الشبهات والرد على المشركين - 01:09:11

هو ده القرآن يا جماعة. وهي دي الطريقة الصح ان احنا نتعامل مع كتاب ربنا سبحانه وتعالى. وهي دي الثمرة المرجوة من كتاب الله
سبحانه وتعالى. فنسأل الله ان يعلمنا واياكم. على طول - 01:09:27

احفظ الصفحة. خلصنا سورة الطور. هنخش على سورة النجم. يلا نشد حيلنا ونجتهد. ربنا يتقبل منا ومنكم صالح الاعمال. جزاكم الله
خيرا. وسبحانك لا عمر وبحمدك اشهد ان لا اله الا انت استغفرك واتوب اليك - 01:09:37